

1621_003.jpg

Histoire de nostre temps. 3

eussent approuvé ceste reuolte, & qui se fussent meslez de ceste affaire, ils ne l'auoient fait que pour le respect de leurs particuliers interests, & le desir de troubler & voir des changements en l'ordre bien estably des Magistrats de l'Empire.


Qu'il n'auoit pas eu plustost accepté l'exécution de ceste Commission, que Dieu auoit fait reluire sa benediction sur son entreprise, ayant (contre les desirs, l'esperance, & l'attente de plusieurs) sur sa premiere Exhortation & Admonition, ramené & reduict ceux de la haute Autriche en leur deuoir enuers sa Majesté Imperiale.

Que voulant entrer en la Boheme, il auoit aussi enuoyé aux Estats du Royaume, (qui estoient à Prague) son Exhortation & Admonition, à ce qu'ils eussent à rechercher & receuoir la clemence de sa Majesté Imperiale, & n'attendre l'exécution de sa Commission: Ce qu'ayant esté mesprisé & rejecté par des esprits turbulents & seditieux, il auroit esté contraint d'entrer en armes dans la Boheme, où Dieu auoit assisté les armes de sa Majesté Imperiale en la bataille de Prague, en laquelle l'armée ennemie auroit esté entierement desfaiçte, & la plus grande & saine partie de la Boheme reduicte en l'obeyssance de sadite Majesté Imperiale.

Que ceux qui auoient pris la fuitte honteusement, apres auoir perdu ladite bataille, auoient continué leurs mauuais desseins en diuers lieux de Boheme avec deux armées sepa-

A ij

1621_004.jpg



1621_005.jpg


Histoire de nostre temps.

public de sa Majesté Imperiale, laquelle au-
roit commandé derechef à luy Duc de Baui-
eres d'employer toutes ses forces pour em-
pescher les rauages & hostilitéz des gens de
guerre Mansfeldiens, tellement que pour son
denoir, & pour empescher que les pays de
ses Confederez n'en receussent d'auantage
d'incommoditez, il s'estoit resolu au nom de
la Sainte Trinité d'executer la Commission
de sadite M. Imperiale; & esperoit, que com-
me Dieu tout puissant auoit esté iusques icy le
protecteur & defenseur des iustes armes de
l'Empereur, qu'il continueroit sur icelles ses
mesmes benedictions & faueurs, pour repri-
mer tant d'attentats & d'hostilitéz qui se cō-
mettoient au subject du trouble de Boheme,
& pour donner la paix à ce desolé Royaume,
& le remettre en son pristin estat.

Que voyant que Mansfeld s'estoit fortifié
en certaines places frontieres de Boheme, luy
Duc estoit contrainct de premierement con-
duire son armee par le haut Palatinat, ce qui
ne se pourroit faire sans y apporter beaucoup
de dommage, où d'ordinaire l'innocent patif-
soit avec le coupable; occasion pourquoy il
auroit voulu aduertir tous les Estats & habi-
tans du haut Palatinat de la Commission que
sa Majesté Imperiale luy auoit donnee pour
deliurer le Royaume de Boheme des violences
de Mansfeld & de ses gens de guerre, & leur
enjoindre de ne prester audit Mansfeld, ses
complices & ennemis de sadite Majesté Imp.
aucun ayde, secours, assistance & faueur: mais

A iij

1621_006.jpg



1621_007.jpg

Histoire de nostre temps.

7

dans les perils & malheurs de la guerre : & qu'un chacun d'eux eust aussi à le rendre incertain du deuoir qu'ils desiroient appartenir pour l'exécution de ladite Commission de sa Majesté Imperiale, afin qu'il leur peust donner conseil & toute assurance, selon le besoin & la nécessité qu'ils en pourroient auoir.


Ainsi le Duc de Bavières enuoya ses lettres monitoriales aux Estats du haut Palatinat, pour, suivant les formes anciennement pratiquées par ceux qui desiroient que l'on sceust la Iustice de leurs armes n'auoir autre but que de venger les injures faictes aux bons par les meschans, leur faire entendre qu'en la prise des siennes il n'y alloit de son particulier, & n'estoit que le Ministre & executeur des volontez de sa Majesté Imperiale.

Les Geographes qui ont faict la Carte du haut Palatinat, mettent qu'il a la Bohème à l'Orient, la Franconie à l'Occident, le Danube au Midy, qui le diuise de la Duché de Bavières, & le Mont de Pinifer ou Fichtelberg au Septentrion, qui le separe de la Voithlandie, duquel mont sortent quatre fleuves comme en croix, sçauoir, le Nab qui trauerse le haut Palatinat & va tóber dans le Danube, le Mein qui va passer par la Franconie & se iette dans le Rhin, & l'Egra & Sala lesquels par deux courses contraires s'en vont en fin perdre leurs noms dans l'Elbe.


Ils disent aussi que ce haut Palatinat est posé au milieu de l'Europe, qu'il est appelé le

A iij


1621_008.jpg



1621_009.jpg



1621_010.jpg



1621_011.jpg

Histoire de nostre temps.

II

prendre d'heure vne honorable composition, que de se hazarder par vne resistâce à vne perte inévitable, ils firent sortir deux Capitaines, & deux Bourgeois pour parlementer, lesquels obtrindrent dudit Duc, que les gens de guerre fortiroiēt armes & bagage sauues; & les Bourgeois seroient maintenus en leurs biens & privileges, apres auoir presté nouveau serment à son Altesse comme Commissaire de sa Majesté Imperiale.

Après la reddition de Cham, le Duc fit marcher l'armée vers la riuere de Schvartz, où il prit Neubourg & Valdmunchen, puis ayant passé prez de Valdhausen, il reprist Pleistein, chassa les Mansfeldiens du Landgraviat de Luchtemberg, & ayant passé le Nabe se rendit maistre de Kembatt, Pressat, Eischembach, & Grafenverd, & fit loger son armée aux environs d'Amberg, qui est sur la riuere de Vifs.

Loge son
armée aux
environs
d'Amberg.

Les principaux Seigneurs du haut Palatinat qui estoient retirez dans Amberg, avec ceux qui y tenoient la Chancellerie ou le Senat, voyans d'un costé l'estat miserable où Mansfeld & ses gens de guerre auoient reduict les bourgs & villages par leurs rauages & pilleries; & d'autre part le Duc de Bavières qui les pressoit les armes à la main de luy faire response à son exhortation & admonition, quitter le party du Palatin, abandonner Mansfeld, de ne luy plus ayder de viures & munitions, & se reduire à l'obeyssance de l'Empereur, eurent plusieurs conseils aupara-

1621_012.jpg




Image issue du site mercurefrancois.ehess.fr - Cliché (c) Cécile Soudan